

**PROPOSITIONES ALIQUOT**  
AD  
**HOMOEOPATHIAM CONFIRMANDAM**  
**APTÆ.**

---

**THESIS**

QUAM AD  
**OBTINENDUM EXERCENDI IN HOC IMPERIO MEDICINAM JUS,**  
SALUBERRIMÆ FLUMINIS JANUARIÆ FACULTATI,  
**DOCTOR BENEDICTUS MURE,**  
LUGDUNI GALLIARUM NATUS OBTULIT  
**ET PRO QUA**

QUINTO KALEND. OCTOBRIS A. D. MILLESIMO OCTINGENTESIMO  
QUADRAGESIMO TERTIO

**PROPOUNAVIT.**

Δια τὰ ὅμοια νόστος γίνεται, καὶ διὰ τὰ  
ὅμοια προσφερόμενα ἐκ νοσούντων ὑγιαίνονται  
..... διὰ το ἐμέειν ἔπετος παύεται.

Ἱπποκράτης  
περὶ τοπῶν τῶν κατ' ἀνθρώπων.



FLUMINE JANUARIO.  
EX IMP. ET CONST. OFFICINA TYPOGRAPHICA J. VILLENEUVE ET SOCIORUM,  
MDCCCXLIII.

# FLUMINENSIS MEDICINÆ FACULTAS.

## RECTOR.

DOMINUS JOSEPHUS MARTINS DA CRUZ JOBIM.

## DOMINI PROFESSORES.

### PRIMO ANNO.

F. DE P. CANDIDO.....	Physices Medicæ.
F. F. ALLEMAO .....	Botanices Medicæ et Zoologiæ elementorum.

### SECUNDO ANNO.

J. V. TORRES HOMEM. <i>Præses</i> .....	Chymices Medicæ et Mineralogiæ elementorum.
J. M. N. GARCIA .....	Generalis et specialis Anatomices.

### TERTIO ANNO.

J. M. N. GARCIA.....	Generalis et specialis Anatomices.
L. DE A. PEREIRA DA GUNHA .....	Physiologiæ.

### QUARTO ANNO.

L. F. FERREIRA, <i>Impugnator</i> .....	Pathologiæ externæ.
J. J. DA SILVA .....	Pathologiæ internæ.
J. J. DE CARVALHO .....	{ Pharmaceutices, Materiæ Medicæ, especiatim bra-iliensis, Therapeutices et artis formulas componendi.

### QUINTO ANNO.

C. B. MONTEIRO.....	{ Operationum, Anatomices topographicae et ap- paratum.
F. J. XAVIER .....	{ Partuum, morborum mulierum prægnantium ef- fectuumque et recens natorum.

### SEXTO ANNO.

T. G. DOS SANTOS.....	Hygienes et Historiæ Medicinæ.
J. M. DA C. JOBIM.....	Medicinæ legalis.

M. F. P. DE CARVALHO.....	{ Clinices externæ et Anat. Patholog. ad illam pertinentis.
M. DE VALLADÃO PIMENTEL, <i>Impugnator</i> .	{ Clinices internæ et Anat. Patholog. ad illam pertinentis.

## PROFESSORES VICARII.

A. T. DE AQUINO.....	{
A. F. MARTINS .....	{ Sectionis Scientiarum accessorarum.
J. B. DA ROSA, <i>Impugnator</i> .....	{
DESIDERATUR.....	{ Sectionis Medicæ.
D. M. DE A. AMERICANO .....	{
L. DA C. FEIJO', <i>Impugnator</i> .....	{ Sectionis Chirurgicæ.
L. DE A. P. DA CUNHA.....	Minister à Scholæ secretis.

*Medicinæ facultas, sententiâ in quâlibet these exagitatâ, propriâs solummodò suis auctoribus, nec à se ullo modò comprobatas aut improbatas esse decrevit.*



**MEDICORUM BRASILIENSIVM**

**CORPORATIONI.**

*D. D. O.*

**Dr. Mure.**

THE NEW YORK PUBLIC LIBRARY

ASTOR LENOX TILDEN FOUNDATION

CORPORATION



## Illustrissimi Professores.

*Plenum periculis et forsè temerarium ante istam medicinæ facultatem, principia homœopathiæ vindicandi, consilium nonnullis videbitur. Nec ego similis metûs expers prodirem et viribus meis tam superiorem causam susciperem, nisi duplex melioris sententiæ causa, indulgentia et iudicium meorum in veritatem amor immensus, adesset.*

*Dies enim ortus est varios et dispersos scientiæ ramos, ad primordiale truncum revocandi; quid veri, quid salutaris apud varias scholas discriminandi. Solâ quippe partium singularum perfectione, integer monumenti ordo refulgere potest. Nec cuiquam aliæ orbis terrarum scholæ, ista gloria meliore jure continget, quam hujus fluminis facultati, tantis jam titulis apud remotas gentes decoræ, tam doctis professoribus ornata.*

*Novitates equidem jamdudum doctis corporationibus infensas est traditum, et legitima quibusdam in locis et temporibus traditio. At æquè talem opinionem homœopathiæ apud Europæ meridionalis populos grassanti applicari, non licet. Sic illa apud Italos plurimorum principum et regum, doctorum et academicorum favorem retulit. Antè Academiam medicam Neapolitanam, sæpè et extensè enodata, et jussu regio, publicis fuit experientiis probata. Francisco Primo et Augustæ illius conjugii, Imperatricis ad hæc littora nuper advectæ parentibus, salutem suam curandi unica et familiaris methodus fuit, homœopathica. Nec minùs apud Iberiæ populos accepta. Olisipponis cultiores incolæ et inter alios vir illustris et litteratus, Silvestris Pınheiro Ferreira, illius diffusioni favent. Missum à doctissimâ medicorum Lusitanorum concione, homœopathiæ inventori honorificum à me visum fuit cartularium. Lusitanus etiam civis, primus in hac terrâ homœopathiæ nuncius et strenuus defensor, eminentis ingenii vir, Dr. J. da Gama e Castro, me suadente prodiit.*

*Parem igitur apud istos Lusitanæ gentis filios, favorem homœopathia obtinebit. Terra enim novitatum utilium amantissima, recentis et antiquæ medicinæ principia componendi, opportuna sunt tempora. Quis vestrâ illustrissimi professores, immensas artis diagnosticæ divitias miratus, simul therapeutices recentis inopiam non deslevit. Mali causas et sedes cognoscere quidem gratissimum est medico, sed rimedia applicanda malo detecto reperire gratum quoque et utilius.*

*Ego quidem tanti inventi auctorem pocos dies post illius obitum, et antè tam dignos auditores celebrare gloriatus sum; utilissimum scienciæ, humanitati, et isti imperio officium conferre; indignum Hahnemann meo magistro et meis ipsis iudicibus, silentium aut diversum sermonem ratus. Nullam regionem magis medicinæ renovatæ præsidio, quam istam carere, ubi naturæ magnitudo viribus humanis impar undique urget, ubi male, immenso imperii spatio adest æquatus civium numerus, ubi tropicorum speciales permulti morbi grassantur; immensam laudis fontem medicis Brasiliensibus aperire, si illi, floræ indigenæ innumeros thesauros Hahnemann duce medicinæ applicuerint, et Europæ stuuosæ tradiderint, tantæ operæ perficiendæ auxilium facultatis istius non frustrâ implorare existimavi.*

**Tertio nonas septembris A. D. — MDCCCXLIII.**




# PROPOSITIONES ALIQUOT

AD

## HOMOEOPATHIAM CONFIRMANDAM

APTÆ (\*).



I. Duo in quâlibet scientiâ contineri debent, praxis scilicet et theoria. Duo itidem in scientiâ medicâ observanda, experientiæ scilicet clinicæ et notiones physiologicæ. Sic Anatomiae pathologicæ studium, Anatomiae normalis expositio antecedit, et clinicis observationibus, suam lucem præstare physiologia solet.

II. Materia medica pariter, physiologicis observationibus niti debuisset antequàm therapeuticae arma adversus morbos adhibenda præberet. Sola autem inter alios medicinae ramos, physiologico experimento hactenús summo artis et humanitatis detrimento destituta est. Spurias materiae medicæ fontes, illustrissimi medicorum, jam dudum frustrâ denunciaverunt. Celeberrimus Bichat, præteritis aliis, illam incoherentem absurditatum molem declarat. Haller equidem illi renovandæ aptum principium nactus talibus hoc inculcabat: *Nempè primum in corpore sano medela tentanda est, sine peregrinâ ullâ miscelâ; odoreque et sapore ejus exploratis, exigua illius dosis ingerenda et ad omnes, quæ indè contingunt affectiones, qui pulsus, quis calor, quæ respiratio, quænam excretiones attendendum. Indè ad ductum phænomenorum in sano obviorem, transeas ad experimenta in corpora ægroto.* Sed tale monitum, aut neglectum, aut despretum, nemini antè Hahnemann dignum attentione visum est.

III. Primus Hahnemann illud ingens philosophiæ et scientiæ desideratum juvantibus discipulis explevit, pathogenesisicam scientiam condidit, et materiam, medicam puram, sublime apud posteros futurum gloriæ monumentum é fundamentis extruxit. Illius vigilibus curis attentè effectus secundarii medicamentorum, a primariis distincti fuerunt, ne fallax et periculosum humanitati levamen offeratur. Longo in homine sano experimento virtutes cujusque medicamenti detectæ sunt et ritè morbus artificialis ab illo provocatus, in omnibus illius phasibus, et longâ symptomatum comitante catervâ descriptus fuit.

(\*) Medicinæ facultas, opiniones in quâlibet thesi exagitatas, nec improbare nec approbare, se's ipsis constitutionibus jubentibus, sustinet.

IV. Sic tandem, physiologia pretiosâ naturalium virium cognitione aucta, certius auxilium medicinæ præstat, cui nomen physiologicæ meritò imponere fas est. Quis enim Doctorem Broussais, suæ doctrinæ, nomen physiologicæ imponentem, quamvis Hahnemannianos labores nesciret, quibus deficientibus tantum physiologicis scienciis deerat, præmaturè et intempestivè egisse negare posset?

V. Lex Similium, non fuit theoricum systematis præconcepti supplementum, sed necessariâ connexionem, ex experientiâ purâ defluxit. Breviter enim probatum fuit, medicamenta specifica, ea ipsa in agroto curare, quæ in homine sano, primario effectum suscitaverant. Sic Hydrargyrum lues venereæ, Sulphur herpetibus, Ipecacuanha vomitui, Opium lethargiæ obstant; sic virus vaccinium variolarum horrendum flagitium prævenit.

VI. Indè novum et secundissimum principium, physiologiæ additum: Lege quidem contrariorum corpora inorganica regi, viventia autem similia. Adest quippè perpetuus in viventibus corporibus repulsus, quo omnino contrarius, primariæ actioni effectus producit; nec ullum medicamen agrotanti prodest nisi illud quod naturæ repulsus provocat, morbo debellando primario effectum similis, contrarius secundario.

VII. Minimorum medicamentorum usus, mirabile quoque inventum, non homœopathiæ necessaria conditio, sed utilissimum incrementum et naturalis consequentia. Quando medicus primarios medicaminum effectus morbo opponere et naturæ impetui arginere ut ita dicam objiciebat, ingenti quidem ad hunc finem obtinendum parte egebat; medicus autem homœopathicus sedulus naturæ interpres et minister, minimam dosim adhibere debet ut illius naturalem impulsum auxilietur. Aliter periculosam crinem provocaret. Sic antiquæ medicus scholæ, narcoticas præparationes quotidie crescentes, dolorum violentiæ, aut somni defectui opponit, medicus autem Hahnemannianus tenuissimis opii particulis, ventris pigritiam aut lethargicum soporem vincit.

VIII. Formularum simplicitas, medicinæ quoque progressibus et morborum sanationi utilissima. Ignota enim hactenus virium pathogeneticarum affinitas et dubius est, qui ex pharmacorum mixtione effectus resultare possit. Quomodo igitur rationalis medicus, in complicatâ formulâ, quid juvet, quid noceat, sentiet et in alios casus fructum experientiæ deducet? Studiosus autem medicus in vastissimâ materiæ medicæ copiâ, appropriatum cuique morbo medicamen facile inveniet et quolibet adulterâ mixtione abstinebit. Hæc enim Hahnemann tradit: Specificum medicamentum, nullo adjuvante corroboretur, aquâ purissimâ aut aliâ substantiâ inertî excipiatur, si correctivo eget ad tenuissimam partem minuatur.

IX. Quemadmodum arbitrarias materiæ medicæ divisiones, Hahnemann




solo æquavit, sic et morborum abstractorum classificationes inutiles proclamat. Quoties autè illum debellatum et semper redivivum ontologiæ monstrum apparuit ! Diruere equidem facillimum, sed nisi aliquid ruinis substitutum fuerit, errores recentiores antiquorum errorum loco nascentur. Continuae illi systematum fictitiorum creationi Hahnemann tandem finem posuit, materiæ enim medicæ simplicitas, invictè et pathologiæ communicatur. Factorum longa et studiosa observatio, est medico homœopathico unica eligendi medicamenti methodus, hyppotheses et abstractiones ab illo inutiles meritò declarantur.

X. Per se ipsam medico parùm utilis diagnosis, utilissima autem si homœopathiæ inserviat. Mirabiles equidem et aeternum commendabiles, vigiliæ medicorum, quorum curis internæ morborum sedes determinari potuerunt. At nisi talem notionem specificus (id est homœopathicus) medicamentorum usus comitetur, quid medico prodest ? Adsint in exemplum herpeticæ cutis læsiones, quorum ingens numerus, insanabilis evadit, quamvis illorum sedes et materialis aspectus palàm oculis observantibus pateant. Nec ideò diagnosis negligi aut contemni debet. Imò materiæ medicæ puræ, plurimas occultas divitias, diagnosis ritè applicata deteget et ad morbos curandos certissimum medicamen indicabit

---

Sic fœdere pacto, filii Æsculapii, homininum salutem conservare et scientiam augere invicem conabuntur. Homœopathia, diagnosticis methodis efficacior evadet, facilius morbi cujusque sedem et medicaminum actionem electivam melius determinabit.

Allopathia autem imperfectionibus, quibus suis ipsis ducibus confitentibus hactenús deturpata est, liberata, legitimam materiam medicam possidebit ; quid salutare in morbis fuit administratum confirmabit, quidquid dubium elucidabit, quidquid nocivum deteget et rejiciet ; concussam populorum fidem Æsculapio reducem conciliabit. Utinam tanti boni principium, in hoc loco, et à paucis istis lineis oriatur !





# HYPPOCRATIS APHORISMI.

---

## I.

Vita brevis, ars longa, occasio præceps, experientia fallax. . . . .  
— SECT. I. — *Aph.* 1.

## II.

Ad extremos morbos extrema rimedia exquisitè optima. — SECT. I.  
— *Aph.* 6.

## III.

Paulo deterior et potus et cibus, jucundior autem eligendus potius, quàm meliores quidem sed ingratiore. — SECT. II. — *Aph.* 38.

## IV.

Duobus doloribus simul obortis, non in eodem loco vehementior obscurat alterum. — SECT. II. — *Aph.* 46.

## V.

Multum et de repente evacuare aut replere aut calefacere, aut frigefacere; aliter quocumque modo corpus movere, periculosum est. Enimverò omne nimium naturæ est inimicum. Quod verò paulatim fit, tutum est: tum alias et si quis ex altero ad alterum transeat. — SECT. II. — *Aph.* 51.

## VI.

In morbis acutis extremarum partium frigus, malum. — SECT. VII.  
— *Aph.* 1.

*Conformem facultatis constitutionibus, istam thesim a me repertam  
esse declaro.*

DR. TORRES-HOMEM.